



ЗООНОЗЫН ӨВЧИН СУДЛАЛЫН ҮНДЭСНИЙ ТӨВ

Зоонозын халдварт өвчний долоо хоног тутмын мэдээлэл

Дугаар №24



2018 оны 7-р сарын 16-20-ны хооронд

НЭГ. ТОХИОЛДОЛД СУУРИЛСАН ТАНДАЛТЫН МЭДЭЭ

Улсын хэмжээнд 2018 оны 7 дугаар сарын 20-ний өдрийн байдлаар ЗӨСҮТ-д зоонозын халдварын хүний өвчний сэжигтэй байж болзошгүй нийт **1060** яаралтай дуудлагыг хүлээн авсан байна. Эдгээрийн 88(8.3%) галзуугийн эрсдэлд өртсөн, 963(90.8%) хачигт халдвар, 2(0.2%) бэтэг, 1(0.1%) хумхаа, 6(0.6%)-ийг боомын хүний өвчлөлийн сэжигтэй тохиолдол эзэлж байна.

1.1. Хачгаар дамжих халдварт өвчний сэжигтэй тохиолдол:



Архангай, Баянхонгор, Баян-Өлгий, Булган, Говь-Алтай, Говьсүмбэр, Хөвсгөл, Ховд, Хэнтий, Дорнод, Дорноговь, Дундговь, Дархан-Уул, Өвөрхангай, Өмнөговь, Орхон, Завхан, Сэлэнгэ, Сүхбаатар, Увс, Төв аймгийн 106 сум, нийслэлийн 7 дүүрэгт хачгаар дамжих халдварын 963 сэжигтэй тохиолдол мэдээлэгдсэн нь өмнөх оны мөн үеэс 17.3%-иар, эпидемиологийн 28-р долоо хоногтой харьцуулахад 6 сэжигтэй тохиолдлоор их байна.



7 дугаар сарын 20-ний өдрийн байдлаар хачигт риккетсиозын 721 сэжигтэй тохиолдлын 141(19.5%), хачигт энцефалитын 156 сэжигтэй тохиолдлын 27(17.3%), хачигт боррелиозын 86 сэжигтэй тохиолдлын 22(25.6%) тархвар судлал, эмнэлзүй, лабораторийн шинжилгээгээр тус тус онош батлагдаж, 113 тохиолдлын онош үгүйсгэгдээд байна.

1.2. Галзуу өвчний эрсдэлд өртсөн тохиолдол:

Архангай, Баян-Өлгий, Ховд, Хөвсгөл, Хэнтий, Өвөрхангай, Өмнөговь, Говь-Алтай, Дундговь, Дорноговь, Завхан, Сэлэнгэ аймгийн 29 сум, нийслэлийн 4 дүүргээс галзуу өвчний эрсдэлд өртсөн нийт 88 тохиолдол мэдээлэгдсэн нь өмнөх оны мөн үеэс 20%-иар буурсан. Эпидемиологийн 28-р долоо хоногтой харьцуулахад 11 эрсдэлд өртсөн тохиолдлоор их байна.



1.3 Боомын хүний өвчний сэжигтэй тохиолдол:

Ховд, Төв, Дорнод аймгийн 4 суманд боомын арьсны хэлбэрийн хүний өвчлөлийн сэжигтэй 6 тохиолдол бүртгэгдсэн. Тархвар судлал, эмнэлзүйн шинж тэмдэг, лабораторийн шинжилгээгээр тохиолдол үгүйсгэгдсэн байна.

1.4 Бэтгийн хүний өвчлөлийн сэжигтэй тохиолдол:

Увс аймгийн Улаангом сум, нийслэлийн ХУД-ээс бэтэг өвчний онош тодруулахаар 2 хүний шинжилгээний материал ЗӨСҮТ-ийн лабораторит хүлээн аваад байна.

1.5 Хумхаа өвчний сэжигтэй тохиолдол:

Канад улсын иргэн. Өвчтөн “D” 34 настай, эмэгтэй. 2018 оны 3 дугаар сарын 16-29-ний хооронд Индонез улсад зорчих үедээ шумууланд хазуулсан өгүүлэмжтэй. 3 дугаар сарын 31-ний өдөр толгой өвдөх, дотор муухайрах, бүх бие янгинах, гүйлгэх шинж тэмдэг илэрч, Интермед эмнэлэгт 4 дүгээр сарын 01-ний өдөр хэвтсэн.

Хариу арга хэмжээ:

- Интермед эмнэлэгт 4 дүгээр сарын 01-ний 14 цагийн орчимд ЗӨСҮТ-ийн дуудлагын баг газар дээр нь очиж ажилласан.
- Өвчтнийг тусгаарлаж, хумхаа өвчний онош тодруулахаар сорьц дээжилж, ЗӨСҮТ-ийн лабораторид нян судлал, ийлдэс судлал, молекул биологийн шинжилгээгээр цусанд хумхаа өвчний үүсгэгчийн ДНХ тодорхойлогдоогүй онош үгүйсгэгдсэн.

1.5 Мэрэгч амьтны дуудлага:

2018 оны гарсаар нийслэлийн 6 дүүрэгт (БЗД, БГД, ХУД, СБД, СХД, ЧД)-ийн хэмжээнд нийт 28 удаагийн амьтны дуудлаганд үйлчилж, хураагдсан сорьц материалыг ЗӨСҮТ-ийн лабораторид шинжлэхэд тарваган тахал түүнтэй хам тохиолдох өвчин үүсгэгч илрээгүй байна.

Тарваган тахлын эсрэг дархлаажуулалт:

17 аймаг, 9 дүүрэгт 30360 хүн тун тарваган тахлын эсрэг вакцин тараагдсан. Дархлаажуулалтын хамралт 13%-тай байна.

Жич: Та бүхэн тарваган тахлын дархлаажуулалтын хамралтын мэдээг rolomjav@nczd.gov.mn хаягаар болон 99297117, 88050228 утсаар өдөр бүр 14:00 цагийн дотор хавсралтын дагуу ирүүлж байна уу

ХОЁР. ТУХАЙН 7 ХОНОГТ БҮРТГЭГДСЭН ЗООНОЗЫН ШАЛТГААНТ ҮЙЛ ЯВДЛЫН МЭДЭЭ

Монгол улсад:

Галзуу өвчний эрсдэлд өртсөн тохиолдол:

Хэнтий аймгийн Хэрлэн, Галшар, Жаргалтхаан, Өмнөдэлгэр суманд галзуу өвчний эрсдэлд өртсөн нийт 11 тохиолдол бүртгэгдэж, галзуугийн эсрэг дархлаажуулалтанд хамрагдаад байна.

Эх сурвалж: Хэнтий аймаг ЗӨСТ

Тарваган тахлын эсрэг дархлаажуулалт:


Хэнтий аймгийн Хэрлэн сумын 98 хүнд тарваган тахлын дархлаажуулалтанд хамрагдсан. Дархлаажуулалт үргэлжилж байна.

Эх сурвалж: Хэнтий аймаг ЗӨСТ

Олон улсад:

Хүний Коронавируст халдвар:

2012 оноос 2018 оны 7 дугаар сар хүртэлх хугацаанд дэлхийн 27 улсад хүний Коронавируст халдварын лабораториор батлагдсан 2229 тохиолдол бүртгэгдсэнээс 791(35.5%) нь нас барсан байна. Ихэнх тохиолдол Саудын Араб улсад (1853 тохиолдол, 717(38.7%) нас баралт) бүртгэгдсэн тухай ДЭМБ-аас мэдээлэгдсэн байна.



Эх сурвалж: ДЭМБ

Шувууны томуу, Ньюкасл өвчин: Бельги улс

Бельги улсын Ост-Влаандэйрн мужид шувууны томуугийн ньюкасл халдварын дэгдэлт шувууны аж ахуйд бүртгэгдэж, 57820 шувуу өртөмхий байснаас, 6095 шувуу өвчилж үхэн, 51725 шувууг устгасан байна. Тус газарт хязгаарлалтын дэглэм тогтоож, тандалтын хариу арга хэмжээг эрчимжүүлэн ажилласан байна.



Эх сурвалж: ДАЭМБ

Шувууны томуу өвчин: Гана улс

Гана улсын Ашанти хотын Ежису мужид шувууны томуугийн Н5 халдварын дэгдэлт, шувууны аж ахуйд бүртгэгдэж 6451 шувуу өртөмхий байснаас, 2033 шувуу өвчилж үхэн, 4418 шувууг устгасан байна. Тус газарт хязгаарлалтын дэглэм тогтоож, тандалтын хариу арга хэмжээг эрчимжүүлэн ажилласан байна.

Эх сурвалж: ДАЭМБ

Боомын вакцинжуулалт: Кыргызстан улс

Кыргызстан улсын Жалал-Абад мужийн 70 үхэрт боомын вакцинжуулалт хийгдсэн байна.

Эх сурвалж: ДАЭМБ

Гахайн сонгомол мялзан өвчин: ОХУ


ОХУ-ын Московская мужид гахайн сонгомол мялзан өвчний улмаас 2 гахай өвчилж үхэн, 9 гахайг устгасан байна. Тус газарт хязгаарлалтын дэглэм тогтоосон байна.



Эх сурвалж: ДАЭМБ

Шувууны томуу өвчин: ОХУ

ОХУ-ын Нижегород мужид шувууны томуугийн H5 халдварын дэгдэлт, шувууны аж ахуйд бүртгэгдэж 47 шувуу өртөмхий байснаас, 1 шувуу өвчилж үхсэн. Тус газарт хязгаарлалтын дэглэм тогтоож, хариу арга хэмжээг хэрэгжүүлэн ажилласан байна.



Эх сурвалж: ДАЭМБ

Баруун нилийн халуурал өвчин: Грек улс

Грек улсын Кентрики Македони хотын Thessaloniki мужид баруун нилийн халуурал өвчний улмаас 1 адуу өвчилсөн байна.

Эх сурвалж: ДАЭМБ

Мал, амьтны боом өвчин: Итали улс

Итали улсын Беневенто мужид B.anthraxis хэвшлийн вирусээр үүсгэгдсэн мал, амьтны боом өвчин бүртгэгдэж, 1 ямааг устгасан байна.

Эх сурвалж: ДАЭМБ

Жич: Энэ долоо хоногт Хэнтий, Хөвсгөл, Сэлэнгэ, Завхан, Өмнөговь, Төв аймгийн ЗӨСТ-үүд үйл явдалд суурилсан тандалтын мэдээгээ илрүүлсэн.

Салбар төвүүд ШУН-ийн eop@nczd.gov.mn мэдээгээ ирүүлж байна уу?